

四庫全書

集部

欽定四庫全書

澗泉集卷十四

宋 韓澆 撰

七言律詩

至日夜坐懷伯臯

故人何在在乾封
想見書燈焰吐虹
節物正隨雲物轉
君心應與我心同
梅花未有水邊葉
楓葉已無山外叢
何日持杯相勞苦
夜長霜重聽鳴鴻

有懷尹賢良玉山舊居

方齋元在玉山深六月都無暑氣侵一縣間人都不見
四方賢者始來尋煙嵐處處多真意鐘磬時時起梵音
既出城南過朝露雲仍留得是書琴

有懷昌甫兄弟

籬雨簷風落井梧山幽時復見樵蘇近秋依約能鳴鴈
長夏無過暫止烏新麪已多猶可餅舊醅將少欲何酤
章泉二老瑞峯遠悵仰空成耳熱呼

因趙十有懷正字兄弟

餘杭嶽麓春還夏只這心情各自知
袞袞官居隨俗日
遙遙田里獨醒時
州麾事業終何說
使節光華任有為
我老玉溪溪上住
醉迷風絮一吟之

有懷

相從樵隱對秋風
雲氣遙連滄海東
浮世從前多去馬
空山依舊少來鴻
水生處處雨初足
稻熟家家飯不窮
我亦醉翁門下士
閒中惟覺句難工

感興

天時人事兩相催
雨浥薰風上綠槐
憂樂易從忙裏過
榮枯空自老邊來
尋枝帶葉終無得
放浪隨波豈有才
信道吾廬吾亦愛
溪山繚繞照崔嵬

秋日感興

江湖吹鴈一聲秋
便合如人酒拍浮
南渡百年無舊事
中原積代有前修
競傳家國恢疆土
必定公卿運策謀
野處何嘗知理亂
談邊遮莫話邊愁

歲晚感興

歲晚天寒山水鄉團蒲曲几在書房竹爐旋撥松花火
石鼎閒拈栢子香吟就有時聞夜雪睡餘乘早負朝陽
呼兒瓶粟今多少且典青衫沽酒漿

危坐

行藏何事老相侵流水高山自古今強把詩書連夜讀
喚回燈火十年心人間富貴非難有聖處工夫索愈深
不覺雨聲吹入耳秋風牕下一沉吟

偶興

案詩四首其二首見
五言古一首見五律

綠樹啼鶯春已闌
杜鵑聲裏最綿蠻
繁陰有路歸幽處
長日無人到俗間
茶信為僧時過水
詩魔因客又登山
薄衣輕體風吹面
神觀初明氣自還

述意

不學神仙不問禪
此心收處亦安然
春風桃李閒行樂
夜月林泉常未眠
有客杯盤猶草草
無人杖履更翩翩
門前地僻紅塵遠
贏得虛閒近簡編

斥歸

一斥歸來上野航老無羈絆試斟量詩囊縱在那能賦
酒盞何嫌且細嘗點檢丘園理花草咨詢里社見蠶桑
玉為山底冰溪水魚鳥飛潛意更長

雨中睡起稍晏

睡貪涼雨失窻明坐起蕭然笑我生故舊幾何論歲晚
僮奴只待得秋晴蹊間井臼草多沒岸底溝池水易盈
閒不厭多寧厭病卧時誰復更關心

春思

案此詩六首其
五首見七言絕

春向深時花未多柳濃桃淡欲如何
籬根山雪風猶力屋角林霜日欠和
徒有愛閑常自惜豈無好事略相過
得朋便若開心眼芳綠韶紅兩蕩摩

春懷

寂寂春風送落花芊綿芳草遍天涯
數聲飛鳥聞亭館幾箇輕鷗泊浪沙
望斷小谿流不盡步尋幽谷路還賒
一巾華髮吾何賦肯與浮榮定等差

秋懷

漠漠輕陰樓上頭
老來心緒不關秋
相看鴻影簷前過
轉覺蛩吟砌下幽
儘以詩囊供寫興
少將酒盞與澆愁
急風又墮蕭蕭葉
天淡水雲無數浮

偶成

老身何計可飛騰
收斂精神過此生
耿耿自溫誠自遣
栖栖無乃類無成
湖山放浪慙真隱
朝市低回亦強榮
隨分官曹了飢渴
小樓聽雨晚風清

勿向

勿向閒中懶却身自家志意要精明書來眼下休簷看
事過手時多錯行血氣易令人喜懼功名徒使我衰榮
青山綠水雖瀟洒莫被清虛誤一生

雜詩

富貴榮華總未經此身雖老意何驚日梳白髮憑軒笑
時照蒼顏傍水行局束一家兒女態凋零四海友朋情
燭搖醉眼梅花白香動夜窻吹雨聲

孫期牧豕

祝雞牧豕其非誤
逐鹿屠龍也是閒
用破心時無活路
得全身處有名山
洪纖高下皆微幸
終始乘除每好還
一任鳳歌仍豹隱
多應蟻夢與蝸蠻

趙推寄朱氏楚辭

迴鴈峯前寄楚辭
古時人語已如斯
少翔幕下寧天定
近入臺中信已知
連帥朱今當共學
故侯劉昔尚誰思
春來草滿南池水
何日薰兮又屈卮

坡翁

鷄豚社酒屬東坡秋到黃州奈若何主聖自應無所損
時清到了不能磨後來海上歸猶在今則文忠謚孰過
三嘆志林真不朽兒童楚語任吳歌

讀徐湖雪句

坐看何如更步行草低葉滑小橋平沾泥不作凡心濁
積水渾疑仙骨輕雲逼曉園幾欲雨煙開晚寺却嫌晴
一溪遶我山前去未信溪山有我情

今年數日雪連年所少也

兩年無雪今年雪山積溪浮壠復橫消盡塵埃猶畏俗
釀成雅潔僅能清煙綿細麥添生意風飈枯梅更有情
荻荻聲中見疏密近多昏暗遠如明

劉克莊潛夫詩編

等閑溫李相游戲有底應劉獨怒嗔雅調縱教勝俗調
古人疑不似今人時間作吏元非達官滿歸鄉必是貧
既往巖居惟野處由來澤畔則江濱

宋提刑少卿詩藁喜自其曾孫傳寫

分明山隱是詩家零落殘編久易賒忽見子孫能繕錄
敢言人士得誰誇衣冠祖業多流品文雅儒風有等差
細讀一篇尋一句餘芳寧不擅詞華

周子靜示詩卷

湖山風雨煙霏處蓮葉翻翻百頃寬我已塵埃無可寫
誰將詩卷對之看蓬萊地近初搏翮閭闔門開更整冠
此段情懷久寥闊沉吟猶為洗悲酸

陸羽泉頭忻考德林逋湖面得敦詩交情未覺非前日

雅道那知又一時逼塞古今空上下淒涼人物易推移
申言保社吾何敢但惜中含屈宋姿

趙推官詩卷昌甫數稱許之

句句芳華字字香章泉巨擘意深長為渠力挽扶雲漢
與衆爭光掃秕糠每以成章能膾炙孰於行卷敢權量
南池自是風流地波撼水村荷氣涼

題橋南書院圖卷

幾年來徃柯山下合到橋南書院中邂逅立談知地勝

從容抵掌見詩窮心情信自一屢足眼力從他萬馬空
煮茗燒香了吾事試聽灘瀨落秋鴻

楊祕監江東集

江東集裏好清詩未看爭知看便知句句多般都有格
篇篇出衆不趨時包藏許大冰霜骨搭帶些兒錦繡皮
却被鐵錢趕歸去誠齋老子也便宜

題昌甫所得陸待制手書次韻昌甫之題句

放翁遺墨幾何年雲遶秋山月滿川摸索空驚久零落

追思猶恨少留連
貞元人事誠如夢
正始文風信若仙
江海淒涼易陳迹
山陰茅宇賀家船

題魚計編後

積水閒題魚計名
一亭元自野而清
幾年來往疑無謂
舉世行藏定不驚
鄭圃賦留南渡久
瓢泉曲到老來平
詩編多少臨淵興
徒得旁觀句眼明

昔先公欲刊白蘋集今教授刊之

吳興好在白蘋洲
先友云亡不那愁
空對遺編想容止

休論往事記從遊
吾翁甚欲流傳遠
賤子常疑埋沒休
羸得虛名付殘斷
風流終古藉西疇

來子儀監廟見假詩藁

伏波老氣肯消除
磊塊撐腸萬卷書
憤世疾邪吟諷裏
傷心思古笑談餘
一軒漫占琳宮靜
四壁空懸客舍虛
隱隱龍光射牛斗
東湖煙浪遶吾廬

從王仲可求近詩

推門喜見王摩詰
種樹栽花興寄中
一旦青衫遽如許

幾年黃卷亦書功
人間文物驚無有
天與詩名定不同
乞取成編山裏去
坐堆殘葉讀清風

永嘉林氏集雲庵索詩

太半交清曾著句
獨餘師道更銘碑
海山磅礴知何處
人物聯翩信一時
以似詩書端可尚
允懷今古不堪悲
百年所種皆先德
宰木雲庵過者思

豔歌行

翠幕朱簾蘇小家
濃熏蘭麝競奢華
繁絃度曲柱爭雁

媚臉持盃眉拂鴉錦帳春餘情未極寶釵分處夢無涯
紅樓何在香塵合恨不都將命乞花

昌甫寄近詩一卷

詩情閒雅筆舒明吟到平時字亦成老不厭山懷玉秀
靜宜流水章泉聲殷勤題寄情何過展轉看來眼自驚
一任人間無此作近聞輦至得同盟

詩逢

詩逢惡境無一字酒為可人須百盃醉眼却愁天地窄

顏齡肯受歲華催
秋生遠樹吹紅葉
雨過空庭滿綠苔
飲罷從教黃鵠舉
吟邊宜看白鷗來

玉成叟書來索詩

贛上書來寄近詩
經行已得蔡邕碑
老年文力能如此
壯日交遊定可知
賈馬以前須有作
應劉而下復推誰
冰霜滿眼梅開未
想見脩然句益奇

風雨中誦潘邠老詩

滿城風雨近重陽
獨上吳山看大江
老眼昏花忘遠近

壯心軒豁任行藏從來野色供吟興是處秋光合斷腸
今古騷人乃如許暮潮聲捲入蒼茫

江湖集錢塘刊近人詩

才華未若一杯酒行業尚貪千首詩今貴幾何名得志
古貧最底謂知時雕殘沈謝陶居首披剝韋陳杜不卑
誰把中興後收拾自應江左久參差

黃子功示近詩一卷因思昔年湖上同林德久
訪銛朴翁之適石城明月鴈聲中劉武子詩也

子功詩有和武子句

西湖南畔訪詩僧
小艇浮遊酒屢傾
猶是三人同眷眷
豈知一別各營營
有懷舊約空如夢
忽見新編復暢情
依約小山醺唱處
石城明月鴈聲清

伯臯丈屆七十寄詩慶之

老來誰不惜光陰
世態消磨鶴髮深
化道喜經蘧瑗歲
遇文應動太公心
極思吟嘯知如舊
且願豐登得似今
聞道田園足強健
雲山深處好書琴

上饒登科八人所識者四

鄉邦為作四賢詩所識還知盛一時高質靜專還朴厚
熙心堅正却平夷新尤膽略無回曲适且才華不詭時
他日要當為國器喜看虎榜大名垂

昌甫生日

南枝今已十分開天壽高人玉雪梅不問冰霜驚歲晚
要看風月喚春來鎮常兄弟遊山杖間或交親奉酒盃
忽到牕前花更好暗香吹夢竹軒苔

趙十將入山避生日

先約之
煮餅

已御祥琴又一年忍因初度醉賓筵為君煮餅邀朋舊
容我尋詩話古先信義自應如皎日功名誰不上凌煙
宗盟祖業非他比長夏相期玉水邊

看士人應舉

六年不到秋場屋懶散低回強自寬本謂有緣居上第
可令無分作摘官小來勇往癡心在老去羞將冷眼看
笑殺杜陵紈袴句只知多誤是儒冠

訪耿運幹不值

東結新樓挾帶湖，月臺淩厲雪晴初。
主人不見望猶美，客子空歸興亦舒。
支徑草黃飛野鳥，露洲莎綠下春鉏。
梅梢過臘花爭發，城裏分明物外居。

二十一日治園成季過

滿地霜風吹曉色，荒寒猶有菊枝香。
不知籬外興籃入，正爾亭前掃葉忙。
急取繩牀坐，夫密旋尋酒琖引而長。
老懷老眼老誰語，閒處閒人閒自傷。

昌甫約過施仲益

章泉常為誦清詩今日山行又見之
新闢軒窗知雅玩更拈書帖發佳思
杯深旨酒留連夜爐撥寒灰領畧時
信道人間好甥舅不妨酷似有襟期

鞏仲至到浙江急往見之繼而以詩來乞次韻
相從我自慰無聊物換星回又斗杓
近市少霜梅欲動長溝無雨水全消
幾年冠蓋東南會逐日舟帆上下潮
見說公來便尋覓老懷何更得詩邀

過常山魏寺丞

瀟灑薰風佚老堂溪山圍遶水雲鄉高懷不與凡情雜
勝槩全無時世忙須信貞元朝士在應憐元祐故家荒
餘生來往奉談麈商略吟邊飲最長

燈夕頗盛郡中相招不能往也

滿城歌舞事元宵溪外蒼山雪乍銷紅日漸遲花信動
銀蟾初上燭光搖幽人自笑居空谷遊子從教往麗譙
一盞青燈對編簡舊歡如夢壯心凋

過傳驥院竹間

竹深留客南山下只許幽閒話晚涼酒盡更須拚
酩酊詩來猶可共徜徉無端薄俗從它轉有底浮華不自忙
意氣如君天地在牀頭書大且韜藏

欲過履道庵不果因以詩送餅餌

乘晴欲過雨巖去草木空疎霜後寒老苦瘡瘍行又止
閒將餅餌問平安夜爐挾冊應三復曉徑春禾可一餐
蕙帳藜牀同夢寐試回頭作去年看

十九日過耿運幹

春風池館水溶溶
杏淺梅深柳意濃
拄杖橫臯穿麥壠
傾壺中泚見雲峰
有來好事能同適
儘把閒吟不自供
莫道澗湖相去遠
要驚心賞每難逢

寄耿運幹

霍廟湖深淞水邊
雪村來往定翛然
薰風六月上塘路
得雨九秋東壩田
酒政應緣因祿仕
詩家拔俗在吟篇
翩翩銀筆經年別
巖壑風流想後先

送耿運幹當湖酒所

一自西風散芰荷，殷勤風雪更婆娑。
經年誰謂酒邊少，此日我云林下多。
才俊榮親當折桂，時清祿仕且嘉禾。
論交論契無餘語，收入離筵入短歌。

聞孟使君到子顏隱廬次韻余安叔所賦

祝家山映一荒途，霜滿晴空樹色虛。
太守去尋高士宅，比隣只道野人居。
朱輪不礙簷前橘，白屋惟堆案上書。
想見猿驚鶴飛走，袁安卧雪畫堪如。

王寺簿過山園

小園纔放一枝梅便有傳呼別駕來
領略風光歸草木經行野路踏莓苔
人間襟韻須吟筆花底風流入酒杯
公亦暫時相賞識詔回天上肯重陪

昌甫約諸人茶山病不能往次韻其所賦

幽人何許不懷賢忍把清詩與世傳
可惜呂曾祠宇地獨留香火寺僧緣
入林去踏山頭月裹茗來烹井底泉
病著偶辜城北約尚吟餘意得同焉

山中上已宋六成甫見過留飲

風光流轉景常新且樂林泉自在身
曲水流觴知上已落花啼鳥近殘春
快傾座上一壺酒莫染人間半點塵
兀兀籃輿好歸去路平微雨草如茵

鉛山徐子融茅齋留飲次其韻

茅山從此占西湖須信高人德不孤
臨水未能忘汝潁愛山還肯羨匡廬
眼前孤勁竹尊者世上浮名松大夫
浩氣已充真樂地寧論實相與虛無

尹一留飲次其韻

冬來何意酒盃寬舊話新愁轉轉難
落葉滿城吹薄暮浮波夾岸起清寒
方齋留客情無已上郭歸人興若闌
天地之間是襟誼淋浪贏得洗悲酸

曾廣漕見過

舟車亦過水村來猿鳥無驚自不猜
化雨江西貴先覺宣風廣右屬行臺
詩書發冢人千里桃李成蹊酒一杯
雪岸艤蓬春動處尋詩野老亦清哉

次韻仲至至日相過

微官誰復肯來過
名勝凋零已不多
忍為故人疎酒盞
漫將佳節付詩歌
閑情只道山林好
老態其如歲月何
靜夜小樓相對久
盈編新語但摩挲

譚南恩見過

正在山前看木犀
兒童驚報故人來
急扶藜杖過橋去
喜見朱轡作牧回
嶺外山川多瘴癘
江南朝市有塵埃
經行又泥冰溪水
且折清香荐一杯

斯遠入吳就春官試因相過偶成

春風間日小樓居門外歡迎長者車道舊祗如前日事
別來不覺近年餘烟花帝里宜同醉杖屨湖山可自如
趣取好懷尋好句人生何必愛吾廬

八月六日伯臯見過

華髮秋來忽滿梳故人相見意何如強親杯酒歡無幾
尚覺篇章興有餘世事紛然隨野馬吾生老矣信蘧廬
林間已下蕭蕭葉雨過空山木影疎

昌甫攜渭南詩見過

長笛殘星趙倚樓吟邊供斷一生愁
渭南作尉誠微宦
江上逢人憶遠遊風景不因今古異
琴樽寧與是非休
章泉傳到澗泉上涼意滿天河影秋

張以道見過

霜簷明日曉晴天忽有騷人到眼邊
煮餅漫留尋舊話
烹茶還得寫新篇旅懷但且官天地
世道全憑酒聖賢
回首山鳴鐘暮起水浮橋外耿墟烟

十二月初九日雪尹子潛來

九峯庵上雪中眠夜半寒枝落枕前
虛曠益知身老大
靜深惟覺夢清圓
山圍漠漠無通路
田缺幽幽有暗泉
雅志能來得同榻
雨崑人必為吟傳

弋陽徐宰見過

幽深終日冷清清
誰肯乘春過水行
雜踏軒車雖達宦
從容杯酒信豪英
靜看聲利身何絆
閒惜芳華意轉傾
相對弦歌有餘咏
苦遭風雨也宜晴

送趙餘干宰允中

夢寐湖山同雅集
溪蓬還送宰餘干
蒼忙寫句求詩律
邂逅持醪得笑歡
花事纖濃春又過
麥天清淡雨初乾
琵琶洲畔絃歌地
一上乘風眼更寬

潘德久置酒柳洲小樓

幾年九日西湖酒
此際從公把菊花
酬唱不知留客舍
登臨無奈得詩家
水舟又掠空潭浪
山屐經行兩岸沙
白髮清尊乃如許
數株楊柳傍樓斜

初六日民瞻古梅下留飲

眼到梅花便有詩園居支逕入疎籬崔嵬自與人高古
爛漫誰知我笑嬉煙濕遠荒吟不盡雨收幽隱醉為宜
新年陡覺新愁少坐對南枝更北枝

過楊解元看古梅

春風晴日草玄家城北坡陀一徑斜遠以雲山供境界
靜惟書籍是生涯敲門忽有醉吟客隔屋初無桃李花
天矯龍蛇饒古意孤芳真足對年華

亭中送梨棗

年年梨棗寄西風近喜瓏嵒一笑同坐石弄筇泉汨沒
望雲搜句月朦朧經時話著猶疑畫盡日來思又若空
玆重交情兩相望鹿門深處見龐公

雪後昌甫將歸章泉斯遠諸兄偕來留飲因詠
林逋詩約同賦

風煙溪背轉山腰起覺清寒坐擁貂林薄曉光吹款款
水流暮色下瀟瀟相期勝士來推戶更想歸人遠度橋

會取試尋詩句寫還鳴高樹許由瓢

年來閒得傲山林肯怪連天雪作陰
蘇武不眠身自健
袁安高卧興何深
嬾穿東郭先生履
細和西湖處士吟
無限目前今古意
歲華如許老駸駸

竹邊松外最清新
煙斂風迴淨辟塵
江濶遠分垂釣叟
山空時過採樵人
摩挲望眼尋幽徑
抖擻閑身訪近隣
三白會須能一飽
茗盃聊且寄吾真

詩謝文顯兄弟載酒并簡子暢二首

幾椽牢落依僧住二妙慇懃載酒來名節似君真有道
交游著我定憐才譚高屢激清風起歸近何嫌落日催
苦憶平生溧陽尉驅車政爾犯黃埃

子暢出
迂客

柱杖敲門借竹看步隨紆曲轉林端架邊綠蔓陰成幄
橋下清流春有湍君作屋廬嫌近俗我因巖谷遂深盤

儻思出郭少塵事或命中車初不難

文顯頗樂山
居之勝故云

余計院父子以我乏酒連以一壺為餉

冷坐樓窻欲雪天空搔華髮泥塵編不嫌酒盡西湖上

安得詩如南澗邊
剝啄故人還
餉我開嘗餘味
信能賢
公家父子何多事
今日碧香猶卓然

酒盡

連宵風月頗堪看
酒盡端憐賞詠難
豈但街頭沽苦貴
更緣秫早釀多酸
蕭蕭陶徑柳將落
渺渺吳江楓欲丹
安得酒船數百斛
拍浮長遣一生歡

訪吳推官津亭因喚船小酌而歸

公回艤泊更躋攀
好事來尋小艇閒
却憶武昌遊赤壁

可憐姑熟醉青山岸涼庵霽知空谷水遠汀沙見淺灣
惜別且同幽興熟鱸魚潑潑烏關關

昌甫分寄瓢泉繼而辛卿遺一壺來以詩為謝
章泉分餉瓢泉酒已洗牢愁萬馬空重拜書題如夏日
便開甕盎瀉春風時聞水石雲山主世數文章翰墨功
且道歲寒梅雪好僧窻閒有幾人同

飲橫碧軒

僧舍額簷屋一間呂曾南渡此看山風光流轉人雖遠

詩句磨鐫景自閒好事肯同携酒至青春又見隔年還
坐中野老醺然醉指點梅花亦可攀

謝戶曹載酒見訪

閉閣燒香正寂寥忽看結客過衡茅溪山有味真堪樂
松竹無心肯絕交老樹枕流傾社甕涼風吹月上山聲
浮梁飲散各歸去夜靜水明搖柳梢

喻伯經推官約施翔甫父子載酒澗上

麗澤同窻不一人是時文物動簪紳年來此話誰能問

老去知君我獨親天下傳聞難見道世間來往易知津
持醪野路江梅底後會相逢意轉真

贈喻

歲晚尋梅又一年南山巖下澗溪邊雪殘古路初何似
詩到前村更隱然邂逅襟期元拔俗從容宦達自登僊
奉親携幼人之樂贏得朋來棹酒船

贈施

留客煮餅因過山寺煎茶

旋掃荒涼喜客來胡牀隨處坐徘徊野亭湯餅談方透
山寺茶香望轉開風近凜秋多落葉雨收殘照少飛埃

大都識賞非難事莫被旁人富貴催

方齋子潛留淪茗

紫此詩四首其一見五言古其一見七言絕句

東吳南楚江湖外城郭方齋尚得朋
意象古人無索寞
譚鋒爾汝有憑陵
花開簷蔔疑非俗
林擁旃檀祇欠僧
梅雨未收吾欲醉
山橋歸路髮鬢髥

蕙畝分青長復低
菊梅連綠密仍稀
牆陰未午風聲急
窻外從朝雨力微
坐待酒盃來肅肅
案翻書冊淨暉暉
幾年來往徒多感
今是那知較昨非

葉侍郎寄烏石茶昌甫詩謝之次韻同賦

瓶茶遠自水心寄緘詩又謝章泉分揀芽為贈信靈物
回味有功非世勲降伏睡魔庶永日不居酒聖須乘雲
何時幽討共仰止烏石岡頭煮此云

奕碁

水竹光中戲奕碁碁中妙處有誰知對人不到一盤滿
信手拈來幾著奇活法要須能自悟危機何用苦尋思
此心虛靜元無物莫使顛冥勝負時

新火

香浮椽燭散新煙
闔闔沉沉輦路邊
寶蠟分擎初拜賜
錦衣飛步競傳宣
柳陰未曉明粧鏡
花氣籠晴起卷簾
莫怪荒涼問榆火
午炊猶待死灰然

蕨菜

春華滿眼倦尋詩
蕨菜纔來又賦之
雷雨動山應偏塞
風雲垂地正奔馳
僧盤何苦分葷素
鼎食那能問瘠肥
珍重方齋家送似
為加餐飯亦何其

謝人遺諸

風起爐寒鬻未成兒驚門底有人聲
乃攜諸樂來相饋
尚帶泥沙便可烹夷以采薇清易足
屈於殮菊恨難平
老身得此渾無事捧腹摩挲且莫鳴

喜見蓴絲

一杯濁酒下蓴絲不負東吳薄宦期
安得林逋同隱約
尚憑張翰寫心思人間美惡吾能會
物外清閒世莫知
更待西風小搖落鱸羹鹽豉轉相宜

送爆竹潘舍人

使者歸來守歲除嘉穀應笑去年無錦囊自是詩無敵
寶帶還看騎甚都想見頌花方列炬故將爆竹伴屠蘇
祝公茂介春祺去明日朝元拱御爐

潘舍人重打帶

使回揮索試從容詩在腰圍瘦減中金重內分知帶赤
花明殿後映鞢紅聞呼巧匠重陶寫好稱朝章答化工
更待鞞鞢印如斗轉庵元是有家風

吳澧州兵部挽詩

桂籍傳芳兩弟兄才華奕奕盡專城獨躋郎省享高壽
復處祠庭全令名遺愛梁山初趣召承恩澧浦晚增榮
如今仁義鄉前路忍送靈車薤露聲

黃壺隱挽詩

國朝人物盛江西歐晏曾王世所知賸喜年來說壺隱
還看身後紀豐碑路遙莫致生芻蕘心折聊成薤露詞
高蹈如斯天必假彬彬子舍見孫枝

周南仲正字挽詩

姑蘇臺下同盃酒一旦相從情轉親才屈自應無近用
時升誰不有通津避名苦節乾坤大務道圓機歲月新
我亦推藏山澗曲細思餘論忍沾巾

葉和劑挽詩

守道安恬譽翕然晚登朝路合騰騫身勞援溺嘗貽疾
夢兆圀空信不寬傾蓋方欣同藥藏挂冠謂可樂丘園
愁聞薤露閩山遠餘慶他年屬後昆

挽余伯玉藥局詩

抵掌從容慨且悲，晚年風度喜論詩。
賢關鼓篋文尤擅，德里垂車志豈違。
築室高門如昨日，開筵投轄已前時。
壽登八秩流芳裔，松栢佳城畫翬吹。

黃靖州挽詩

兩把州符身已老，壯年崛起計偕時。
藏書漫與詩千首，種秫閒尋酒一卮。
北客到今真可數，南人視彼尚何知。
鶴山父子成丘隴，汨灑谿風讀壙碑。

黃子耕監丞挽詩

籍籍夷陵郭白雲紫陽猶足重斯文當年臭味傳天壤
絕代聲華隔世氛邂逅月邊蘭槩駐從容日下竹符分
傷哉逝矣空遺藁雙井風高信不羣

哭徐子融

膽氣麤而硬脊梁茅齋寂寞未云荒自知友道無同異
共仰師門有在亡遣世尚能生卜地安時應許老耕桑
一琴一劔山楓外雲影吹空白月光

哭徐大彥章

翻閱前言力著書暮年尤惜日之餘倦從科第於榮官
靜養聲明只燕居落落谿山空爾許悠悠天地復何如
傷嗟平昔琴尊地常似親承教載初



欽定四庫全書

集部

澗泉集卷十五

十六

詳校官庶吉士

臣吳烜

主事臣呂雲棟覆勘

謄錄舉人

臣黃道熙

謄錄監生

臣單可彥

欽定四庫全書

澗泉集卷十五

宋 韓澆 撰

五言絕句

明皇攬鏡而言吾雖瘠天下肥矣

引鏡吾雖瘠韓休諫疏多君心在天下歡樂竟如何
高祖令李密迎見秦王李密不敢仰視

甲馬幽州路英雄不自量凱歌迎勞處方識小秦王

霍光夜召符璽郎

擁昭初輔政漢室大將軍符璽郎能爾丹青見不羣
王景畧對桓溫捫蝨而談當世之務

本謂溫猶好而能北伐功自從捫蝨後絕意過江東

馮媛當熊

檻外當熊立人情見亦驚翩翩後宮女馮媛獨馳聲

楊妃剪髮

剪髮能留寵君王不自持當年無入奏寧到馬嵬時

南山

霏霏南山來此意足怡悅昏旦氣候間樛疎互明滅

思願堂

鄉廬暗邊塵時移而事變結屋漫逍遙可想不可見

情話堂

趙記發舊觀俞孫新作堂是豈無他人親戚意差長

有竹堂

坡翁一轉語不但為竹設俗子塵汚人夏簟落蒼雪

跨鶴臺

樂詩二首其一
一見七言律

道人白鶴庵絕頂似仙家尋幽得臺城杳杳入青霞

南臺

案此詩二首其一見七言絕句

木老地平靜直北萬家城小立興懷處憑高眼更明

禪月臺

此臺已蕪沒禪月彼一時得句僧窓下空留洗耳思

題朱直學竹軒

裂石作翠竹秋風生晚涼政須人嘯詠應記我行藏

橫碧軒

文清來此地留下橫碧軒寂寂今無主空山起夕煙

題貫時軒

柯葉貫四時不為寒暑變理事俱到處因之亦可見

無盡藏

善繼人之志肯堂思其艱此意自無盡風月敬亭山

小集清暉閣因喚渡把酒昌甫倏至

小醉清暉閣橫江更一杯遠山寒日晚詩老忽然來

樗亭

築亭以櫟名平生無宦情寥寥千載人感慨聞風聲

如庵

靜深堂與間真如公所庵誰謂平生心可以禪境參

山簡習池遊詩

拍手兒童笑山公倒接羅舉鞭無限意今古少人知

題華嚴境

游目貝葉書究竟華嚴境當年寓名心觀者要深省

桃源山道者小庵

案此詩二首
其一見七絕

天寒山氣黃，日暮竹色碧。
住庵人勿驚，此景有此客。

葛溪

流傳葛仙翁，此溪嘗化龍。
抱朴今何在，閒來問古蹤。

南坡

空青老仙伯，有子愛溪山。
誰信南坡路，依依泉石間。

蒙泉

一泓泉水古依舊，浸巖邊。
太史晁鷄肋遺吟，尚可傳。

舟入靈巖山下訪古

燕麥搖晴日青山兩岸橫吳其為沼矣傾酒任船行

十七日過潭守聽松

案詩二首其一見七言絕

推牕萬松林雜沓且修整何須撫盤桓姑以集幽聽

四月二日

簷淺侵林綠窓虛賸藥紅試茶催鼎實縱酒失盃空
易覺春風老偏知夏日長四山新笋出一澗野花香
晝永卷書困時閒挈杖清草蟲空躑躅巢燕費經營
間或僧人到閒常羽客過啟玄疑恍惚談妙欲云何

樵斧通深密漁竿接混茫風波非地險荆棘乃天荒

爆竹

爆竹燒殘歲家家把一盃西湖元自好只是欠徘徊

倚瑟

倚瑟從嬪御人生實少歡南山空斲絮此道是邯鄲

夜坐

連牕風撼山引酒燈照坐逍遙入莊吟憔悴失楚些

王丞留飲

尋梅閑喚酒邀友漫題詩酒美君方醉詩成我未奇
鐘聲來遠寺暝色起前溪霜夜斷鴻急風遶落葉知

訪滕賢良邂逅周察推同飲池上

春風雜花池賓主兩相視落日忽已晴洗盞可無醉

招余子任過成季家

只道沙坑近招之阿那邊不知風雨夕能過小溪船

次韻周倅送郡醢

聞道菖蒲節龍舟一一修雨涼雖少憇郡圃不妨遊

坐有嚴陵守新持使節長真成三學士意象好持觴

題隆中圖

何意求聞達偶逢劉豫州隆中三顧處抱膝也風流

次韻潘舍人畫軸

風霜歸老幹歲月長枝柯矗矗荒村外人人占落坡
尋詩小醉時不許老農知葉葉泛輕舸試渡野水陂
突兀是茅屋拙兀是土橋看山看水去忘饑付木瓢
荒虛成莽蕩幽遠似模糊便做山中客能題一字無

次韻子願

樂道匪時趨山間得自如老來情味別冬日且閑居
冬日且閑居誰停五馬車從容見真意鉏盡世驕虛
鉏盡世驕虛宜乎愛隱廬高風照千古此道卷還舒

次韻德久丈

經旬無客至今日得公來園柳綠已密渚蓮紅始開
談諧意方接蕭散詩自生寫成澹泊句洗盡淫哇聲
雲驅風浩浩日永雨垂垂狡兔笑三窟鷓鴣思一枝

白日偶無容青山長對門

案原本無題以此十字為韻

雲低樹頭青風急葉背白一塢無來人鳥語關格磔
枕流飯脫粟長夏以終日曳屣行歌商風軒時弄筆
身心既已閑吟風興亦偶山東打茶聲睡思忽抖擻
人生等戲劇袞袞徒區區老身其回頭今有古非無
朝市無遺音丘園有絕迹蓬茅晏不開才閑待迎客
澗淺山四合泠泠浸青青畧約度前林更有泉上亭
不見屋外溪但見屋上山雲月復風雨展轉朝暮間

崦靄得廣茂虛明失深長一曲冬月暖數家夏日涼
何由芰製衣豈必蘭為佩一笠一簑輕田漁且相對
牽牛槿花底歌柱破籬門旋買深村酒因傾老瓦盆

十三日誦水生挑菜渚煙濕落梅村之句成詩
十首

夜來微雨過澗谷生春水土脉肥薺苗煙痕帶梅蘂
元宵天氣好梅謝薺蘗生野水浮煙雨孤村帶鳥聲
柱杖牆陰潤閑尋薺菜挑不禁芳草外初日下梅梢

踏青何處去春事歸野菜便覺與時新閒身尤可愛
水國春已生微波漾洲渚時見挑菜人臨風自凝佇
晴村多暖霽花處是輕煙梅片紛紛下迎人到酒邊
婀娜煙中梅花飛有底急蜂觸香車來煙凝為誰濕
雨後乍晴時春意滿村落香處是梅花青煙動林薄
一年春好處都在水邊梅似雪因風起和煙帶月來
潦倒春無藉山深不出門籬根尋野菜花外見煙村

絕句

一年春好處東望是皇州柳色梅花外數聲羌笛浮

送昌甫至十里分韻得四首

霜重花未多風回香自若荒店野水深枯枝墮寒雀
相送五年前把酒常在茲夾路梅花開歲晏將何為
老懶問花事尚與梅相看蒼然暮色至只恐空吹殘
瑞峯高入雲又見君歸去坐輿無匆忙逢梅見客與
十一日道林同譚元輔賀州奕碁

山林欣晚對細和一篇詩欲醉那因酒妄言却為碁

題汪玉山送仲上人遊六祖塔詩次韻

玉山四句偈看了百千回不是為送僧不是為尋梅

六言詩

六言

弈棋聊醒午醉煮餅更遑夕餐一任長年三老扁舟載
我江干

寒泉亭午暑喜雨

風箭急吹疎雨雲峰時轉輕雷修竹小亭山下乘涼猶

記初回

夜涼雷電

明電夜涼催雨不知冰水為秋滌
研酒酣尋句賸拚蟻
夢扶頭

雪中見山松曉起澗橋見霜尤奇

梅雪何嫌松雪橋霜未抵林霜睡起樵蘇欲斷竹爐尋
火裝香

次韻昌甫

灞橋何苦乃爾剡溪似是欺予任彼梁園所賦但此孫
臆之書

梅可空百榼酒雪不待一筆詩天地與人太好山林有
我亦奇

晚步野趣

竹樹西風庭院溪山落日人家搔首從他華髮角巾歌
我烏紗

踏雪登前山

躡屐穿林歸寺持香裹茗尋僧磴道已三尺雪巖居惟一枝藤

題扇

山近不嫌暖
靄溪回更帶寒
泉水淨沙頭
有此嵐縈水
未疑然

二十日趙園

案詩二首其一
首見七言絕句

綠樹秋千紅索白雲春
靜青山人醉忽焉兀兀鳥啼何
以闌闌

橫山堂小酌

酒澆硯礪不下詩用陶寫亦難折取茶蘼芍藥醉於綠
水青山

連日暖甚

案此詩五首其一
一首見七律

日暖甚宜蠶月夏寒還是麥秋冷漠蜜蜂蝴蝶喧闐乳
燕鳴鳩

不道夏衣是輕且云春服既成乍雨乍晴時候宜閑宜
睡心情

只覺寒來暑往何知陰長陽消膠膠莊生擾擾申申孔
氏天天

苦苦安心見性勞勞息氣養神向後有些斷喪依前無
限沉淪

聞喧然縱龍舟

旋自山間帶酒更誰溪外划船過眼殊非偶爾放情均
是陶然

次韻景瑜

梅花既黃而白梅萼仍綠且紅與其凌霜駕雪爭如避
日藏風

兀坐本緣習懶苦吟終是乾忙老去宜拋筆硯興闌徒
近杯觴

慶元庚申二月藥局書滿七月還澗上嘉泰元
年秋入吳試罷冬暮得闕而歸今五年矣

歸哉忽爾五年江空鷗鷺翩翩有詩多且漫興有酒無
過醉眠

田事旱乾薄飯歲計不給何求春園葉落窮冬夏畦菜
盡凜秋

翻經諷咏釋種齊物試看莊生功名到底餘事儒者說
性說誠

日日公侯衮衮年年人士紛紛伊尹周公孔子殷勤留
得斯文

貪生不憂老至徇名却忘行卑一日又復一日遑遑自
欲何之

兒女長須婚嫁朋友來須應酬應酬重費青眼婚嫁未
了白頭

平心好處平世深居合在深山山林荒園一畝世事敝
廬數間

戲贈成季

案詩二首其一
一首見七律

拂拂溪煙橫暮絲絲小雨吹涼酒盡更呼載酒一觴一
咏行藏

與成季奕棊

按此詩二首其一
見七言絕句

明月水聲湍激涼風山氣高華棊罷不知時世酒行無
奈詩家

題竹

有酒不妨醉倚有詩不妨自題聲以清風何遠影於殘
月都迷

山水小壁

點出雲山千里寫成霜樹半坡眼前非筆墨少興來覺
風景多

書閣

仙人樓居何處青
籠黃宮之間風回山氣
寵窅月明水聲潺湲
收斂平生出處倚欄
羸取清閑

崙溪和昌甫韻

崙溪玉水之上閒
身何負一歸眼耳鼻
舌無恙鷄豚狗羸
是依得酒飲不必
果有吟詩不可譏
人事大抵如此
今日是明日非

欽定四庫全書

澗泉集卷十六

宋 韓澆 撰

七言絕句

正月初三日

新年喜共閒僧語
薄暮明燈下紙簾
活火慢煎茶漸熟
呼童時把炭來添

人日

滿地茸茸百草芽
青青知已到山家
東風一夜吹窻雨

又得紅梅兩樹花

十四日

梅花如雪滿春山
元夕都來一日間
天以客尋詩句好
香隨人與酒盃慳

正月十七日

春風吹我到雲林
不為梅花著意深
歲晚老身無著處
暗香隨日動嵐陰

正月二十七日

去年除夜吹山雨濕盡梅花冷打門朝市如今小樓屋
只揩睡眼望前村

正月二十八日二首

春寒不敢出籬門且撥深爐煖酒樽見說梅花風打盡
冷清清地月黃昏

隨地挑成薺菜羹只和淡水入瓶罌春風不負閑人腹
贏得勾勾飽後行

十七日

猶存人物作中興世道休貪我獨能不覺百年消折盡
嵇康宜早愧孫登

世界無人作不成幾多姦宄暗經營寒來暑往癡迷過
消長盈虛理亂生

二月晦日

春風猶自雨能寒破褐纔除又覺單眼暗頭昏書懶讀
一庭幽草靜相看

晚色吹雲樹外明數枝遙見綠槐生誰人知我山中住

三月春陰澗水橫

不恨花陰日影遲只愁風橫雨狂時
梅梢葉底著青子却憶繁香如故知

遠屋青青總是山每吟山色句還慳
乘閒著眼烟林外物色分明見一斑

燕子飛飛山鳥鳴小軒癡坐倦能行
推書試數平常事亦向人間得此生

海棠初葉牡丹花轉覺衰顏一倍加
徙倚闌干問芳信

姚黃魏紫已萌芽

槿籬欹倒費撐支
沙岸常為野水欺
幽事相關乃如此
幾回虛過欲吟詩

次韻吳推官寒食

今年風雨暗寒食
一夜垂垂直到明
原上子推將隱矣
從來此路少人行

萬花初過綠園林
燕子人家巷陌深
錫粥故應隨節序
不甘華髮是春心

人間風物年年在酒後心情事事休
玳瑁重清新得吾意
賸拚憔悴為伊愁

二十九日寒食

案此詩四首其一
見五古一見七律

去年寒食姑蘇館吟到吳歌子夜聲
猶記春城芳草渡
一簾花雨畫船行

冷烟漠漠茅簷淺依舊山南澗水流
坐穩亦知時物換
燕飛低處鳥鳴幽

清明

楊柳青烟榆火新
人家巷陌唱歌聲
重簾未捲薄梳洗
簷外微寒纔曉晴

三月初三日

瓶裏桃花點點紅
水南依舊笑春風
尋僧共看山中友
識賞何如付苦空

晚春即事

路轉疎籬過小橋
陰陰新綠滿林梢
人家一雨軒牕淨
時有飛來語燕巢

山氣蒼茫瑣寂寥
弄雲吹雨半瀟瀟
澗聲不斷波流急
更聽風前婆餅焦

芒種

田家一雨插秧時
成把擔禾水拍泥
分段排行到畦岸
背蓬渾不管歸遲

栽勻明日問青黃
惜水脩塋意更忙
少候根中新葉出
又看晴雨驗朝陽

三年不見種田農
鵲隴跳溝過屋東
齊唱歌聲相勞苦

濛濛烟裏一簑風

愧我麤官耗太倉及瓜而代合耕桑
蠶筐閣了修秧馬
老稚時時盃酒漿

三月五日

澗流清轉佛仙家雨歇春風水浪沙
得酒有詩人共逸
山腰初見折桐花

十九日

瀾漫陰雲黑且白今日望下還又晴
憤憤一霎蒸熱氣

願聽垂雷打簷聲

九月二十日

淵明笑殺惠遠酒已公消得杜老詩詩酒於人亦何事
夜霜吹冷水南枝

十六日

紙上閑看舊談語尊前試舉近歌詞夜冷小窓欣我獨
歲殘深谷待他誰

梅花不怕風霜雪儘遠儘荒山儘寒時有幽人為酬酢

片香吹動忽漫漫

藥瘦枝冰亦自花出林欹岸轉清華蕭蕭宿草堆黃葉

漚漚幽泉洗白沙

近行遠立忽低攀不覺繁香入袖間既是孤高還潔雅

凡情於汝信何顏

山愈高時氣愈深水多流處影多侵翠禽急羽知人意
時啄殘英落粉心

元日寅正二刻太陽交食守局

元正但覺曉光遲風雨霖霖笑語稀見說朝家推日食
百司守局午方歸

終朝寒慄氣昏昏雲翳風霾隱若存天運有常交有數
陽光初不礙高奔

高奔乃黃庭
經中語也

十六夜月

去年倦卧闌門睡前歲扁舟爛漫遊莫道迎簷一杯酒
婆婆孤影也扶頭

秋暑過施寺少憩至夜半山月朗然

松梢片月見流行夜半青山白露橫不是閒人愛幽處
秋來紛擾飽曾更

喜晴

喜晴方且啟柴門忽有人來倒一樽只道久閒常蕩蕩
不知小醉已昏昏

二十三日

水遠寒城渚外山淡烟吹暮畫應難漁舟舉網無人會
我老吟詩把眼看

喜雨

風伯駕雲滿四野雷公行雨從空下農家起舞田有年
競養雞豚作秋社

雨中

雨收炎暑入山雲滴砌淋簷潤色分更以微風吹草樹
鳥飛啼過亦欣欣

又

茫茫野水浸籬根無數青山接遠村三月懶遊花下路

一家深閉雨中門

又

虛簷疎雨夜深深
清徹寒窓夢不成
却憶擁蓑篷底宿
靜聽千點落江聲

抵掌揮觥不待詩
共看泥土蚓鳴時
晚來吹徹垂垂雨
未必騷人總得知

觀蓮見雨

竹送荷擎雨脚斜
涼軒初試一杯茶
逢人莫道溪南好

暑月能清只數家

次韻景瑜雨中絕句

人家蠶麥祈晴日城郭山川斷渡時
隱几正看千佛偈敲門誰送兩篇詩

門居地僻無來轍新綠新荷新笋時
環重情懷尚能賦為搜言句和成詩

初三日冬至雨中

今年雲物風吹雨山澗闔門亦可書
燒葉爐中煖紅酒

靜聽簷溜落堦除

六月二日大雨如注山澗水溢

午夜風生雨瀉簷紗幙竹簟夢鈞天曉來拍岸波聲急
六月如秋意颯然

草樹離離半拂烟雨滋芳潤轉青妍山人整屐山邊去
黃鵠白鷗時導前

甕頭白酒香初釀憑藉一盃歸太和本自無愁更何喜
暑風池上看圓荷

高車駟馬斷經過只見春農說早禾得雨又還傷穀賤
不知誰與緩催科

二十九日大雨

簷宇陰陰聽雨眠推窗清潤滿平川舊低竹葉新槐卷
當見橫流入稻田

香凝藤枕簟如水飛掠縱橫雨點聲雲脚明開時暗合
坐尋餘菌取茶烹

炎蒸經月掩荆扉城市紅塵十丈飛井水欲乾猶可忍

空山不早已常饑

夜雨

樓高簷近瓦溝鳴自遠相傳到耳聲客枕未安詩又作
隔河風定又踈更

悠悠秋思不禁詩只有街前過雨知一犬自鳴人靜後
與君同邸夕於斯

雨驟聲空谷奇甚

只道天河洗甲兵一軒飛雨走風霆客來睡覺煎茶飲

不特山前草木醒

西疇寄月露

泉香月露墮吾前
夢遶西疇覓醉仙
涼入荷風吹柳雨
罷琴尋句聽鳴蟬

暑中

山深常抱白雲眠
離遠塵囂恰十年
投老吳山小樓底
一簪華髮暑風前

晚雲藏日下山腰
海氣吹涼片月高
夢覺小樓人不寐

五更風送浙江濤

方池小檻養盆花
結子抽枝亦卷牙
暮色無塵開灌沃
童心雖在鬢先華

暄風

暄風移日過庭臯
倦撥殘書首重搔
門外不知山遠近
短牆橫浸綠週遭

赭亭山白雲寺

案此詩二首
其一見七古

扶輿窈窕入山家
一道溪流淺見沙
春色不因寒意少

冷烟和雨澹梅花

霜寒

霜風一夜入樓寒擁被微吟亦自寬
年事漸多秋又老誤身初不為儒冠

早霧

霧氣渾渾曉未收不知苑外與山頭
瓶花忽見花梢濕畫出春風一段愁

松雪

洞霄雙徑傍何村
松菊歸來想自存
官牒推移應一笑
桃花源上且尋論

窮臘荒荒渺林蕩
幾回落舊又生新
寒催雪與梅爭白
空有故山誰故人

雪晴歸自湖團

雪後溪山分外清
東風日麗轉新晴
水波隱隱遊魚影
木葉叢叢啼鳥聲

瓦溝殘雪滴春風
賸水殘山淡藹中
禽鳥不知人意老

數聲啼落野梅紅

雪後

澗谷冰霜踏雪行不逢荷篠即僧清
世間只解銷金帳羔酒無疑茗椀亨

高卧從他有灞橋荒塗橫古樹蕭蕭
冰溪一曲靈山底密灑之間復亂飄

農卜豐登士苦題無聞近見定還迷
子猷一棹歸何處拍手山公醉似泥

曉看夜聽落寒聲帶雨隨風若霧橫平地尺為天下瑞
日光玉潔更多情

片月窺簷水浸冰松梢梅影共崢嶸數聲猿嘯呦呦鹿
撥盡陰河掛壁燈

春思

案此詩六首其一見七言律

報答春愁有醉鄉老懷那復得剛腸門前一澗桃爭發
不分天紅膩水光

今年能得幾朝晴風雨消磨一半春野路溪亭却自好

惜芳定可屬詞人

李已青白桃正紅幽人貧病憔悴容曳履過澗試蕭散
不知燕麥搖春風

平湖波暖花宜晴故園夢斷蝴蝶輕小樓行藏一徙倚
詩與此春俱眼明

惱我繁華滿眼時燕子初來雁初歸浮名自絆此身爾
數日晴色花欲飛

惜春

莫把裴裒惜春意強尋杯酒度芳時
留連鄰曲多交舊
悵望他鄉有所思

躑躅辛夷非有謂
薔薇芍藥欲奚為
楊花側畔樓臺少
一水聯橋映短籬

春吟

葉葉枝頭綠未深
孤花猶自間園林
醺酣要是都非飲
興寄元非不是吟

花影歌燈上小窓
夢回香篆有殘缸
當年何事成諸葛

萬物無情繚老龐

歲歲逢春不自持
詩成酒去必歸遲
而今嬾向花邊醉
只拾荆薪撰早炊

野菜誰將滿把歸
水翁鬚長杞苗肥
任他比竝膏粱味
直底西山怨采薇

菜傳新綠發生時
花簇輕黃碎小枝
日下時看粉蝴蝶
背人驚鬪忽參差

三月下旬藥局書

一官受代始知閒常恨家林未得還自是懶為溫飽計
清時誰不點朝班

一官受代始知閒盡日高眠醉夢間試買扁舟歸便得
湖橫吳越有青山

閉門

閉門終日不常開山雪林霜已自來收斂身心過殘歲
紙窓深處坐灰堆

傍簷禽鳥莫驚猜飛去多時忽不來只恐他人相彈射

我無機械合徘徊

鷗張何用嚇鵝雛此態人間未必無
練實梧桐非腐鼠
莊生惠子豈其徒

感興十首

迎時上下本謀身身老難禁物態新
到得朱金為我樂
却嫌人笑我知津

其誰不欲上雲霄晚節當

原缺

事事高贏得書多垂後學

歸來賁志亦徒勞

我本何為也自休靠他寧不畧迴頭徒誇扇枕黃香好
肯道悲秋宋玉愁

社鼠城狐何代無乘時應也用工夫而今又有依憑者
辛苦從前作世儒

一生精力盡於詩詩到成時不自持脫著衣冠對神武
婆娑空復羨諸兒

肝膽輪囷本致君衡山一片尚愁雲可備卹典埋歸骨
好爵翻令及後昆

百尺竿頭寸步難從前血指漫旁觀收來放去由誰做
底事隨人百樣般

壯志情知己不多便鷹揚去盍如何淒涼兩眼西風裏
猶爾留連作好歌

得寵常疑失寵虧勢成難復念前時螳螂鳴蛭爭先後
何意蒙莊亦論之

赤縣神州久陸沈宣和遺恨莫追尋饒渠熟客資談柄
須有夫差報越心

雜興

常苦靈山暑氣昏
澹雲踈雨洗乾坤
溪南只許閑人看
紫障青崖靜吐吞

書帙侵窓竹數竿
晚留晴影上青攢
不禁滴盡瀟瀟葉
時拂踈風雨未乾

潤色初分嵐影飄
細看莽莽近迢迢
山楹川觀誰能到
禽鳥飛鳴亦自驕

經雨高林月出雲
一天涼淨白紛紛
道人打疊身心處

泥飲行吟不亂羣

大笑花開只自藏
垂頭葉底自芬芳
天生楊震今清白
常具人間一種香

簷蔔生成淨潔花
愈幽深處愈多葩
肯教肉眼凡夫見
寧可移栽釋老家

晚興

案詩二首其一
一首見五古

誰為喧卑莫賦詩
幾年山澗久安之
區區守祿才餬口
儘覺肥甘盛一時

偶成

春風時弄閒花草滿面紆餘氣自和行過小亭因坐久
却驚啼鳥一聲多

連陰却喜社能晴雨淡桃花滿澗生幾樹正依流水上
曉風吹動日華明

山上行還山下行草隨幽逕知名青春自是多情思
梅葉陰陰已半成

又

世間榮辱最愁人
荏苒年光老逼身
莫笑區區有仙佛
識心見性養精神

招之不來麾不去
不動聲色泰山措
拙於用大無所容
枵然魏王五石瓠

梅黃雨細柳花風
渾在鶯啼燕語中
流水高山元不惡
短籬破屋為無窮

孤坐幽窓靜炷香
却疑身與世相忘
紅深一樹榴花發
綠嫩數枝支子芳

舒嘯閑平理亂心古來賢達幾升沉只宜一唱紫芝曲
不用三思梁甫吟

病餘倦甚唯思睡醉裏歡來擬欲顛飲罷空山身老矣
夢田清暑意翛然

又

非閑靜不可作詩非老懶焉能讀書開卷空山照華髮
吟編荒徑入吾廬

明日再題

周游於世不闕渠合把塵勞日以疎半夜雨聲驚客枕
一身禪榻夢蘧蘧

戲書

亂拖游士伴
噎酒硬捉閑僧聽
做詩後句不來瓶
已罄
月凉山靜角巾歌

午坐

晴初小院窓半開
堦下草色侵莓苔
清風徐徐木陰寂
禽鳥自鳴時自來

家家蠶事採桑歸，蠶箔才收又整機。
辛苦一春成絹後，村農誰是著新衣。

偶興

往來鄰並歲年深，老稚空忙慶弔心。
美惡衰榮消長事，又須著眼一沉吟。

膠膠擾擾復悠悠，多少迷情不掉頭。
利者笑名名笑利，日前身後欲何謀。

東南吳蜀大江橫，西北關河幾戰爭。
智者不愚，愚者智。

到頭分合世難平

深谷荒虛人迹稀無風黃落自橫飛敗籬東畔板橋斷
時有鄰家負水歸

雜題

屋前巷北苦稚子木斗煮熟撮數賣腐儒食飽可奈何
寒夜擁爐亦可噉

黑豆硬炒不貴發敗紙裹之良自多紙窓坐睡時欠伸
冷手解包慢按渾

瓶粟欲罄敗絮少三嚙玉池吾養玄是中止可浣便腹
世運密移空推遷

四明所修傳燈錄誰以印將塞吾目凌晨萬境不到處
佛見法見空逐逐

人之二帝三王道加之孔孟雜佛老存心養性以事天
五伯秦漢誠草草

著書談玄俱一偏柳和伊任孔大全禹稷顏回乃同道
出處得喪醒醉眠

雪窓兀坐

霜收餘藹瀝簷水雪屋雲窓日氣升
旋撥地爐看宿火軟蒲團坐几深凭

雨中山臺夜坐

桃李春風又一年老來何事不陶然
晚簷莫聽垂垂雨斷送流芳到酒邊

月夜樓居

瀾漫寒氣月微明近覺風聲遠市聲
不恨浮沉人海底

樓居閒自得心清

二十九日早步

行行行過水東頭路窄因而緩慢遊草木華滋翻宿雨
山涼尤覺是新秋

午步

養花天氣半陰晴啼鳥水邊三四聲遊人往來莫漫賞
多少古今風物情

晚步

槐葉已飛無夏綠桃花新種待春紅
千山僅遶千家聚
一水全依一逕通

舟中曉詠

薰風猶見杜鵑啼
淞水東遊復自西
澗上有泉泉上竹
玉為山底是冰溪

桂棹蒲帆日未西
鵲聲鶯語鵲鳩啼
滿溪綠水岸邊急
一片白雲山半齊

過玉山同昌甫宿歲寒軒感愴不已

鷺鷥林到歲寒軒屈指如今十六年當日玉虹橋未有
山川祇是舊山川

小憇成季書室

已喜青山在眼前午陰佳樹更清圓枕書閒與尋幽夢
洗盡京塵意灑然

徐子融送至石井因宿竹溪

山行明月步霜華半醉微吟意更嘉記取鵝湖山下路
夜深投宿野人家

病

病無情緒情吟詩筆硯空存興已非滿眼綠陰春樹老
小窓初日動晴暉

僧窓

露寒風歛山餘靄虛淨曲通僧一窓我不占閒誰避俗
菊花時候有楓江

午窓

午窓寒日聽松風散髮梳頭睡眼中情話堂深書帙滿

老身何地不從容

夜長

夜長殘雪小樓中
擁被閑思又一冬
燈影易昏爐漸冷
只消斜月五更鐘

書燈

書燈霜夜冷
清清不信牕
官傍帝廷老
把身心欲何用
山居此味飽
曾經

午睡期思書堂

所謂伊人天一方園枝新好寄東窓八表濛濛忽時雨
不知平陸已成江

讀書

牕明晴日小樓居靜坐閒翻案上書理路漸通文向熟
試將回向此心初

冷尋

冷尋盃酒滌書癡半盞微醺又到詩門外屢成三尺雪
茫茫眇眇欲何之

晚唐體

一撮新愁懶放眉
小庭疎樹晚涼低
牽牛織女明河外
縱有詩成無處題

灌園

捐捐誰知舊漢陰
桔槔何待此機心
溪南上郭邱園地
應笑蒙莊著語深

十二日灌園

桑蔭未移山照晚
曲塘橫岸小軒窓
不知秋思今多少

崑桂芙蓉開酒缸

秋高山靜一簷月只許清光醉老身
蓬藿之間見花竹
灌園休說漢陰人

修園

旋買荆條護短籬更般沙土補長堤
閒來也有無窮事
且看青山橫杖藜

書懷

老身閒淡復何求常喜禪門舉話頭
試問紅塵未歸客

渭清涇濁肯同流

閒詠

閒詠遺言理素琴
晚風吹樹雨悵悵
山空斷岸無來轍
未必沙鷗識此心

影瘦

秋涼於人事何悲
可憐宋玉在其時
登山臨水西風急
贏得新涼入我詩

懷人

北客如今可奈何更看清奏入雲和東平東里應無恙
吳楚年深白髮多

人難

人難會合易睽離更把言談著在詩君去南豐我南澗
其間不待兩相知

五更

五更人物遽喧呼不信清湖逆旅居齒髮如斯吾老矣
一身蝴蝶夢蘧蘧

五更朝謁之聲盈耳

十載山居夜寂寥
蓬門雨打雪蕭蕭
何曾聽得人吟唱
急走齊趨鬪逞僥

